

官軍進賊出境口糧盡絕當該官倉該給

成化十八年十一月十八日刑部尚書翁 等題為

提督巡江事

欽差提督巡江南京都察院右副都御史白 題將提督

巡江事件逐一條陳伏望

聖明念以地方重務特

敕該部計議奏奉

聖旨該部知道欽遵一件官軍支用口糧事照得沿江各

衛出巡官軍九江衛巡至安慶衛安慶衛巡至建陽

衛建陽衛巡至儀真衛相接揚州鎮江二衛鎮江市

巡至常州府沿江地方與蘇州衛所管相接蘇州衛

與鎮江衛相接太倉衛與金山衛相接各照分定地

界欽遵

敕書內事理令其時常往來巡捕照例於本處官倉每月  
一次出則支於口糧同則任支但遇追賊出境在外  
日久口糧盡絕每稱因乏深為未便今後官軍追賊  
出境或至一箇月之上不得回衛而所支口糧盡絕  
者合無令巡江御史查算明白就於當地有司官倉  
內支給接濟以便捕盜庶免因乏前件有得本官所  
言巡江各衛官軍捕盜出在外日久盡絕要於當  
地所司官倉支給口糧接濟一節合無准其所擬但  
恐前項官軍因見米糧高貴假以巡江為名在於江  
邊買賣私貨或有意逗遛遷延未免虛耗倉糧合行  
本官轉行南京巡江御史查照如前項各衛官軍果  
因追賊緊急出境或一月之上不得回衛而所支口  
糧盡絕者御史行令所在大小衙門出給印信勘合

付與官軍就於附近有司官倉內照數驗日依例支  
給口糧接濟同則截日任支勘合繳回御史收銷如  
是乘機在於沿江買賣私貨或逗遛延住虛耗倉糧  
將為省之人不分指揮千百戶鎮撫提問追取閔過  
口糧還官每年終御史將閔過倉分糧數目呈報  
提督巡江都御史具

奏查考施行開立前件具題次日奉

聖旨准擬欽此欽遵

計開

直隸儀真衛官軍舍餘五十二員名  
直隸揚州衛官軍舍餘五十二員名  
直隸蘇州衛官軍舍餘五十二員名  
直隸太倉衛官軍舍餘五十二員名



直隸鎮江衛官軍舍餘五十二員名

崇明守禦千戶所官軍舍餘五十二員名

吳淞江守禦千戶所官軍舍餘五十二員名

分俸養親務要南京俸糧盡數分回

天順八年十二月二十六日戶部題為分俸養親事  
照得天順八年正月二十二日欽奉

詔書內一款內外官員有父年老在家願分俸養者

准分俸於原籍閤支欽此又該本部奏

准在京官員許令分俸原籍祭掃查得在京文官五品以

上三分本色七分折色六品以下四分本色六分折

色內本色一石在京閤支其餘每年十月俱在南京

支給兩箇月折支縮足并椒木鈔錠俱於庫閤支

已是定例近年以來各該官員奏要原籍支給俸糧

養親并祭掃有分一石二石有三石四石者又每年

兩月折色縮足中間有等官員將分去南京俸糧又

行造作見在者以此重複不一糧數致有錯亂難以